



UNIVERSITÄTS-
BIBLIOTHEK
PADERBORN

Modi LX Sacrae Orationis variè Formandæ

Kojałowicz, Kazimierz Wijuk

Antverpiae, 1668

Modvs Decimvs Qvintus.

[urn:nbn:de:hbz:466:1-69292](https://nbn-resolving.org/urn:nbn:de:hbz:466:1-69292)

qui vitijis merfi dum pacem in mundo & cum mundo habeant, plane se beatos dicunt. At non quam mundus dat, Christus quoq; dat pacem Joan. 14. nec venit eam mittere, sed tollere: & gladium contra eam opposuit Matth. 10. Vt illud generaliter ad ejusmodi pacem referri debeat, quod D. Aug. in psalm. 149. de affinitatibus obsequio Dei obstantibus protulit, *Sermo Dei gladius bis acutus, unde bis acutus? dicit de temporalibus, dicit de æternis. Filius vult servire Deo. Pater non vult, Mater non vult: gladio dividuntur ab invicem. Vtiliter te ille separat, malè te conglutinas.* Ne Existimes Christiane dum amundi vanitatibus avelleris, pacem tuam turbari. Vtiliter separaris malè te conglutinas, Pax tua quæ de mundo est, pax non est: periculis indormis, baratrum amas. Spartiatus ait D. Nazian. epist. 139. *lancea indicabat humerus Pelopidas: at Christianos, pax, utiq; nō mundi sed Christi, utiq; non quam venit tollere sed quam hodie est precatus. Christus Iesus, heri & hodie ad Hebr. 13, 8. Non potest, sibi esse contrarius: sed nec potest, mutari, Optat nobis pacem, sed suam, odit pacem, sed mundi, hoc est, optat bonū nostrum, odit malū nostrū.*



MODVS DECIMVS QVINTVS.

DVo sensu contrarij ex eadem sententia eliciuntur: ut de ijs problematice tractetur: pro conclusione autem aut decisio auditori relinquatur, aut ipse Orator decidit: & ad unam sententiam amplectendam hortatur, aut etiam, utramque

par-

partem tanquam rectam & probabilem amplectitur. Eodem modo tractatur simplex problema, quod ex occasione quidem Scripturæ proponitur, sed non habet fundamenta probationis, pro utraque parte, in assumpta scripturæ sententia E.g. si Dominica 22. à Pentec. ad illa verba. *Reddite quas sunt Cæsaris Cæsari proponas.* Vtrum Excellentior sit obedientia, qua obeditur ipsi Deo. An qua obeditur homini propter Deum? aut Dominica 23. à Pentec. ex occasione insperatæ mortis filiæ Principis inquiras. Vtrum melius foret habere certam mortis horã, an illam manere incertam? Pro certitudine agit fere communis sensus optantium scire horam mortis. Pro incertitudine occurreret, quia aperiretur scelestis porta scele- rum, 2. Quia non posset comode mundus gubernari, in be- sis, successione, Magistratib9 &c. 3. Quia etiam boni facile pertraherentur, ad malum, quod nunc incertitudine mortis vitant. Sed sit principalis præcepti.

P R A X I S.

Dominica Sexta post Epiphaniam.

Simile est Regnum cælorum grano Sinapis. Matth. 13.

Accessus & Propositio problematica. Mirari quispiam posset, servatorem nostrum, sub grani Sinapis similitudine, Regni cælorum commendationem proponere noluisse: quod Sinapis absterrendis potius hominibus à cælo, quam allciendis aptior videatur. Ne interea, error huic admirationi subsit, inquiramus id ipsum, an cælum grano sinapis comparatum, allciendis nobis, aut deterrendis sit aptius? Con-

Confirmatio ex rationibus, pro utraque parte adductis.

Prima Pars. Videtur aptius absterrendis, Acerbum enim illud sit necesse; quod grano Sinapis Simile: quæ ex Natura sua, acris & acerbata est. Hinc D. Ambros. lib. 7. cap. 13. in Luc. Martyres granum sinapis vocat, quod multa acerbata tolerarint, favet Apocal. cap. 7. *Hi sunt, qui venerunt ex magna tribulatione.* Cœlum quærentibus symbolum Tipotii assignaris: *Patiar, ut potiar.* Servator noster, cum discipulis valediceret, ita iisdem promisit, se paraturum locum, ut in mundo plorarent & flerent, Joan. 16. quæ proprietates fruentium sinapi est: adeoque propria, quærentibus cœlum, ut *lachrymas sibi fuisse panem die ac nocte, dum dicatur quotidie, ubi est Deus tuus?* testetur David Psal. 42. v. 4. *Exod. 22. Decimas tuas & primitias tuas non tardabis reddere.* Hæbr. legunt, *plenitudinem tuam, & lacrymarum tuarum.* Idem Deo lacrymæ & primitiæ: & sicut nefas negare primitias, ita & lacrymas. Christus Dominus lavit in cœna pedes discipulorum, suos non lavit. Quid ita? *Fortè, inquit Ambros. lib. 6. in c. Lucæ 7. idè non lavit pedes suos Christus, ut nos eos lachrymis lavaremus.* An non hæc omnia tristitia? an non granum sinapis, id est cœli acerbi effectus?

Secunda pars. Aptior tamen alliciendis ad quærendum cœlum hominibus similitudo sinapis. Nam si acerbitas pro cœlo sustinenda, non est nisi granum Sinapis, ut capiat regni opes? Est autem omnino ita, quod omnes acerbitates, quæ in mundo

do

MODUS DECIMUS QUINTUS. Si

do evenire possunt, comparatae caelesti gloriae, vix sunt unicum granum sinapis. *Primo* Propter exiguitatem sui. *Secundo* propter durationem amaritudinis, valde brevem, unde, D. Paul. ad Corinth. 4. *Id enim quod in presenti est, momentaneum & leve tribulationis nostrae: supra modum in sublimitate, aeternum pondus gloriae, in nobis operatur, non contemplantibus nobis quae videntur, sed quae non videntur.* Vis granum sinapis? Momentaneum & Leve tribulationis. Vis regnum caelorum? supra modum, in sublimitate, aeternum gloriae pondus. Expende singula & amaritudines vite, ne granum quidem aestimabis. Unde D. Chrysof. in Matth. homil. 16. *Tristaris, quia te corporis voluptate defraudando, sed latere potius, quia caelorum regna tibi provideo. quod ut evincat, sic rursus homil. 67. argumentatur: Terrestre certamen, est tibi propositum, cujus corona in caelo reddetur. Ab hominibus exagitaris, at Deus tibi honorem retribuet; paucis diebus curris, & aeterna praemia consequeris: corruptibili corpore luctaris, & incorruptibili laudaberis.* Expende item opposita & grani sinapis levissimam amaritudinem, agnosces, atque cum D. Gregorio Libro 5. Moral. fateberis: quod, *si mens forti intentione, in Deum dirigitur, quicquid in hac vita sibi amarum est, dulce aestimat: & omne quod affligit, requiem putat.*